

<<Մխիթար Մեբաստացի>> կրթահամալիր  
Ռեֆերատ-հետազոտական աշխատանք

Հեռավար կրթություն

Թեմա՝

Պիրախա ցեղը և երջանկության գաղտնիքը

Սովորող՝ Ռուբեն Առաքելյան  
Ղեկավար՝ Լիլիթ Յախինյան

## Պիրահա ցեղը



Բրազիլիայում, որտեղ կան շատ վայրի կապիկներ, ապրում են հնաբնակ ցեղեր, որոնց կենսակերպը կարող է շոկի մատնել ժամանակակից մարդուն: Նման ժողովուրդներից են **Պիրահաները**, որոնք չեն մտածում ապագայի մասին, չեն հավատում Աստծուն ու չգիտեն՝ ինչ է ամոթը: Այս մասին գրում է kulturologia.ru-ն: Պիրահա ցեղի մասին տեղեկություններ է կազմել քրիստոնյա քարոզիչ Դենիել Էվերեթը, որը 30 տարի առաջ հոգևոր առաքելությամբ ուղարկվել էր Բրազիլիա և նրանց հետ ապրել է 7 տարի: Այդ ընթացքում նա մանրամասն ուսումնասիրել է Պիրահաների լեզուն, մշակույթը, ծանոթացել ավանդույթներին և շատ բան իմացել նրանց աշխարհայացքի մասին:

Այդ հնաբնակների համար տիեզերքը անտառ է, որտեղ նրանք ապրում են, նրանք չեն արձանագրում ժամանակի ընթացքը՝ նրանց մոտ պարզապես բացակայում են ներկան, անցյալն ու ապագան: Նրանց համար չկա նաև սնվելու ու քնելու ժամ՝ ուտում են, երբ սոված են:

Նրանց մշակույթում չկա պատկերացում թվերի ու հաշվարկի մասին: Պիրահանների թիվը այսօր 700 է: Նրանք չունեն ամոթի ու մեղքի զգացում: Մեծահասակներն ու փոքրերը չեն նեղացնում միմյանցից ու չեն չարանում իրար դեմ:



**Նկարում` Ամազոնի ջունգլիներում բնակվող վայրի հնդկացիների ցեղ Պիրահան:**

Հնդկացիների այս ցեղը ապրում է Բրազիլիայի Ամազոնաս նահանգի Մայիցի գետի ափին: Նրանք հայտնի են իրենց լեզվով: Պիրահանը ամբողջ աշխարհում շուրջ 6000 խոսակցական լեզուներից ամենահազվադեպ հանդիպողներից է: Կրողների քանակը տատանվում է 250-380 սահմաններում: Լեզուն զարմանալի է նրանով, որ

չունի թվականներ, կան միայն «մի քանի» կամ «շատ» հասկացությունները: Մեկ բառը, որը արտահայտվում է տարբեր հնչերանգներով մեկ կամ երկու բառերի փոխարեն է օգտագործվում: Հենց այդ բառն էլ կարող է նշանակաել «մոտավորապես մեկ» և «ոչ այդքան շատ»:

***Օրինակ, եթե մայրը ունի 5 երեխա. նա չի ասում, որ ունի հենց հինգ երեխա, այլ ասում է, որ ունի մի քանի կամ շատ երեխաներ: Թվային պատկերացումները բացակայում են:***

1.բայերը քանակի և դեմքի հետ կապված չեն փոփոխվում,

2.նրանք չունեն բառեր, որոնք բնորոշում են գույները,

3.լեզուն բաղկացած է 8 բաղաձայն և 3 ձայնավոր տարերից:

Թվականների բացակայության պատճառով պիրահաները չեն կարողանում հաշվել և պարզագույն մաթեմատիկական խնդիրներ լուծել: Նրանք ի վիճակի չեն գնահատելու օբյեկտների քանակը, եթե դրանք երեքից ավելին են: Միևնույն ժամանակ չի նկատվել ինտելեկտի նվազում: Հոգեբանների և լեզվաբանների կարծիքով նրանց մտածողությունը արհեստականորեն սահմանափակվում է լեզվի առանձնահատկություններով:

Պիրահաները աշխարհի ստեղծման հետ կապված լեգենդներ չունեն, բայց կա մի կարևոր առանձնահատկություն, շատ խիստ տաբուն արգելում է նրանց խոսել այն ամենի մասին, ինչը իրենց սեփական փորձի մասը չի կազմում: Չնայած այս ամենին, նրանք բավականին շփվող են և մի քանի հոգանող խմբերով կարողանում են կազմակերպված գործողություններ իրականացնել:

Ըստ լեզվաբանների Պիրահա տղամարդիկ կարողանում են պարզագույն պորտուգալերեն հասկանալ և խոսել որոշ սահմանափակ թեմաների շուրջ: Իսկ կանայք այդ լեզվի մասին պատկերացում չունեն և չեն օգտագործում հաղորդակցության ժամանակ: Հետաքրքիր է, որ պիրահանը ունի որոշ բառեր,

որոնք վերցրել են այլ լեզուներից՝ հիմնականում պորտուգալերենից: Օրինակ՝ գավաթ, բիզնես:

Այս ցեղի հետ կապված մի քանի այլ հետաքրքիր փաստեր կան.

1. նրանք չունեն ստիպողականություն: Նրանք չեն ասում այլ մարդկանց ինչ անել: Կարծես այնտեղ ընդհանրապես չկա սոցիալական հիերարխիա, ֆորմալ առաջնորդ:

2. նրանք չունեն պատկերացում աստվածների մասին, սակայն հավատում են հոգիներին, որոնք երբեմն հովազների, ծառերի և մարդկանց տեսքեն ընդունում:

3. տպավորություն է, որ նրանք չեն քնում: Կարող են 15 րոպե կամ ամենաշատը երկու ժամ քնել մեկ օրվա ընթացքում: Շատ հազվադեպ են ողջ գիշերը քնում:

4. Նրանք չունեն անցյալի մասին հիշողություններ: Ամենահին հիշողությունը ցեղի ամենամեծ անդամի ունեցած հիշողությունն է, ում մահից հետո դրանք ի չիք կդառնանա:

5. Կանայք չեն նեղանում իրենց ամուսիններից, ովքեր կապվում են այլ պիրահացի կնոջ հետ, ասելով, որ <<ուղղակի ժամանակը եկել է, և մենք պիտի բաժանվենք>>

6. Եթե ցեղը օրվակերկուր չի գտնում, չի մտահոգվում ասելով, որ <<այսօր չկերանք, վաղը կուտենք>>

7. Քունը համարվում է վտանգավոր, քանի որ օձերը կարող են հարձակվել:

8. Վերոնշյալ միսիոներ Դենիել Էվերեթը պիրահա ցեղում անցկացրած տարիներից հետո հրաժարվել է իր կրոնից, ասելով, որ երջանկությունը չիմացության մեջ է:

## Եզրակացություն

Ասեմ իմ կարծիքը:Պիրահա ցեղը ունի յուրահատուկ լեզու:

Լեզուն մշակույթի արտացոլումն է, այլ ոչ թե հակառակը: Եթե ձեր մշակույթը որևէ բանի մասին պատկերացում չունի, ապա, իհարկե, ձեր լեզուն դրա համար բառեր չի ունենա:

Մյուս յուրահատկությունը նրանց կենտրոնացումն է այստեղ և հիմա: Նրանք նույնիսկ ծագում չունեն, կամ չգիտեն դրա մասին, ու չեն էլ ուզում իմանալ:

Երջանիկ են,քանի որ չունեն հիշողություն և ամոթի զգացում: Իմ կարծիքով ,եթե մենք էլ չունենսինք այս երկու զգացողությունները,մենք էլ շատ երջանիկ կլինեինք: Գուցե հիմա մեր օրերում շատերը ուզենային այսպես ապրել: Պիրահաները բացեցին մեր առջև երջանկության և անհոգության իրենց գաղտնիքը: